

朔方備乘卷第四十七

考訂諸書七

考訂俄羅斯佐領考敘

臣秋濤謹案俄羅斯佐領考係

國朝俞正燮撰俞正燮字理初安徽黟縣舉人嘗刻所著書為癸巳類稿此其中一種也康熙中

聖祖仁皇帝征討羅刹凡投誠及俘獲之人皆安置旗分編為佐領而八旗氏族通譜未詳載其源流

正燮因考覈各書研究顛末姓名事實釐然可

朔方備乘

卷四十七

考訂俄羅斯佐領考敘

一

考於以見

神武不殺

至仁如天宜乎遠嶠荒陬靡不嚮化恐後也茲稍加考

訂臚列於左

俄羅斯佐領考

八旗通志旗分志云鑲黃旗滿洲第四參領之

第十七佐領係康熙二十二年以尼布綽地方

臣秋濤謹案取來鄂羅斯三十一人及順治五

即尼布楚年來歸之伍朗格里康熙七年之宜番等編為

半箇佐領卽以伍朗格里管理後二次又取來鄂羅斯七十人遂編爲整佐領伍朗格里故以其子羅多琿管理羅多琿故以大學士馬齊管理今以豐伸濟倫管理謹案此卽今承恩侯尙書恭阿拉所管理之佐領也八旗通志初集亦言順治五年俄羅斯伍朗各里來歸康熙七年依番來歸此皆自拔來投者

平定羅刹方略云康熙二十二年四月羅刹殺斐雅喀居民留嫪書而去七月甲申瑪拉等送所獲羅

朔方備乘

卷四十七

考訂俄羅斯佐領考

二

刹五人又送二十六人至京四裔考亦云二十二年羅刹之眾有過黑龍江者降其兵目三十餘人此卽通志所言之三十一人方略又言南岱攜至羅刹二人則四裔考遺之

聖祖仁皇帝聖訓柔遠人云二十二年九月乙未戶部議奏羅刹歸順吉里郭里等應交於正白旗編入佐領下壯丁少者

上曰羅刹歸順頗多應令編爲一佐領鑲黃旗之佐領蓋自

欽定也薩布素傳云康熙二十二年投誠羅刹宜番鄂
噶圖席圖頒吉里戈里鄂佛那喜等酌給官職
案方略十一月癸未

上諭云宜番近授驍騎尉岳噶圖席圖頒及新投誠之
吉里戈里岳佛那西馬克西木俱授七品官其
新投誠內之岳佛那西費禮普令馳驛至薩布
素處酌遣招撫四裔考云遣降番宜番米海羅
莫海對往諭誤也宜番未嘗與米海羅等同往
招撫方略云二十三年正月薩布素令宜番等
朔方備乘

卷四十七

考訂俄羅斯佐領考

三

往諭卽以招撫米海羅等二十一人送京安插
是米海羅等投順卽送京也方略又云是年七
月獲羅刹一人曰費岳多羅送京安插熱河志
二十三年十二月十六日

上諭於恆滾等處之俄羅斯許其歸順待以不死而生
養之是也二十四年三月獲羅刹噶瓦力刺等
七人逸去一人五月破雅克薩城巴什里等四
十人願降此則通志所言後二次之七十人也
七月羅刹又遣裔番等四人誘我俄羅春被獲

旋縱之歸羅刹名衣番者眾非即康熙七年來歸之宜番也熱河志二十四年六月十四日

上諭雅克薩困迫已甚而後歸降宥其罪釋之使還是

也四裔考云二十四年七月釋衣番等四人歸

國語無原委覽者惑焉其噶瓦力刺等六人亦

於進兵時放之還南岱攜至之二人亦已縱歸

方略載噶瓦力刺供詞所謂前放回之二人已

送往國主處是也計所獲順治五年一人康熙

七年宜番等二十二年三十三人二十三年二

朔方備乘

卷四十七

考訂俄羅斯佐領考

四

十四年七十二人而還歸者十二人總得羅刹

近百人居東直門內胡家圈衚衕其姓氏源流

則八旗氏族通譜皆不載也嘉慶十一年三月

臣秋濤謹案康熙二十二年歸順之吉里郭里

聖訓作機里郭禮又方略載宜番授驍騎校非驍騎尉

春

朔方備乘卷四十七

知縣吳壽坤初校
知縣勞乃宣覆校